

## **MØTEBOK**

### **REGIONRÅDET FOR HALLINGDAL**

**Møtedato:** Fredag 31.3.2017  
**Stad:** Hemsedal, Harahorn

#### **Desse møtte frå Regionrådet:**

Petter Rukke, Hol kommune  
Solveig Vestenfor, Ål kommune  
Heidi Granli, Gol kommune  
Oddvar Grøthe, Hemsedal kommune  
Tore Haraldset, Nes kommune

Knut Arne Gurigard, dagleg leiar

#### **Desse møtte frå rådmannsutvalet**

Lars Ole Skogen, Hol kommune  
Tone Tveito Eidnes, Ål kommune  
Hege Mørk, Gol kommune  
Ole Johnny Stavn Hemsedal kommune  
Torbjørn Hansen, Nes kommune

---

### **SAK 11/17 SKJØNSMIDLAR 2017**

#### **Saksopplysning**

Fylkesmannen har for 2017 helde attende midlar av fylkesramma for Buskerud som skal gå til fornyings- og innovasjonsprosjekt i Buskerud. Regionane har ansvaret for å velje ut prosjekt. Fylkesmannen er oppteken av at midlane skal koma kommunane til gode gjennom nyttige og målretta prosjekt. Regionane kan også samarbeide om felles prosjekt. Dersom ein region ikkje legg fram godkjente prosjekt, kan Fylkesmannen fordele midlane på annan måte.

Fordeling av skjønnsmidlar til prosjekter for 2017 er etter sama fordeling som tidlegare og med same beløp, totalt 4 mill. kroner.

Midlane er fordelt slik:

- Drammensregionen kr 900.000 (22,5%)
- Region Vestviken kr 550.000 (13,7%)
- Kongsbergregionen kr 900.000 (22,5%)
- Region Midt-Buskerud kr 450.000 (11,3%)
- Ringeriksregionen kr 500.000 (12,5%)
- Hallingdal kr 700.000 (17,5%)

#### **Hovudprioritering:**

Hovudprioritering er å styrke kommunen i rollen som tenesteprodusent, myndigheitsorgan, lokaldemokratisk arena eller som samfunnsutviklar og bidra til utvikling av kvalitet i tenestene, effektiv ressursbruk og betra økonomistyring. Prosjekta kan omfatte alle tenesteområdene i kommunen. Søknadsfrist er 31.03.17.

Rådmannsutvalet har prioritert «Innkjøpsløft Hallingdal».

Målet er m.a. å styrke kommunen som tenesteprodusent og samfunnsutviklar.

Kommunane i Hallingdal er med i BTV- innkjøpssamarbeidet. Dette samarbeidet fungera bra på mange område, men det kan og vera område der kommunane i Hallingdal er tent med egne løysingar. I tillegg ynskjer kommunane å styrke kompetansen på innkjøp. Kommunane har innkjøpsansvarlege i ein liten stillingsbrøk.

Deler av næringslivet i Hallingdal opplever at kommunane ikkje nyttar dei i tilstrekkeleg grad eller dei ikkje får mogelegheit til å gje pris. Hallingdal har liten erfaring med å tenke innovasjon i offentlege innkjøp og har ikkje system som tek hand om dette. Det manglar prosessar og modellar for å inngå innovasjonspartnarskap.

«Innkjøpsløft Hallingdal» er planlagt som eit 3-årig prosjekt der det blir tilsett ein prosjektleiar innkjøp. Etter at prosjektet er ferdig og evaluert vil det bli vurdert å opprette eit samarbeid om innkjøp med ei fast stilling.

Prosjektleiar skal m.a. jobbe mot følgjande mål:

- Auka kompetanse om innkjøp/offentlige anskaffelsar i kommunane og næringslivet. Etablere kurs/samarbeid.
- Få på plass system for gode innkjøpsprosessar i kommunane generelt
- Auke kompetanse og utvikle system for å kunne gjera innovative innkjøp spesielt.
- Utvikle prosedyrar og modellar for kommunane for bruk av innovasjonspartnarskap med andre kommunar / næringslivet.

Meir om innovative anskaffelsar: <https://www.anskaffelser.no/innovasjon>

### **Vedtak**

Regionrådet for Hallingdal vil prioritere «Innkjøpsløft Hallingdal» for tildeling av skjønnsmidlar for 2017.

### **SAK 12/17 EVENTUELT**

#### **Hallingtinget 28.4.2017**

Saker på Hallingtinget vil m.a. vera:

- Orientering om mogeleg lokalisering av større verksemd i Hallingdal
- Rekneskap og årsmelding
- Strategisk plan for Hallingdal
- Nasjonal Transportplan 2018 – 2029
- Verkemiddelbruk og samhandling med Buskerud fylkeskommune og Innovasjon Norge

#### **«Film i fjell»**

Målet er kort fortalt å leggje til rette og marknadsføra Hallingdal/Valdres som innspelingsstad for internasjonale film- og tv-produksjonar.

Det vart gjennomført videomøte med [Hallgrim Haug](#), som idemakar, regissør og filmfotograf, halling men no med bustad LA.

Ut frå møte vart det bestemt at det skal utarbeidast ein prosjektsøknad med intensjon om eit felles prosjekt Hallingdal og Valdres.

Hallingdal 31.3.2017

Knut Arne Gurigard  
Dagleg leiar